



Broj: JN-92/15

Sarajevo, 23.07.2015. godine

Na osnovu člana 64. stav (1) tačka b) i čl. 70. st. (1), (3) i (6) Zakona o javnim nabavkama („Sl. glasnik BiH“, broj 39/14), člana 8. stav (1) tačka f) Pravilnika o uspostavljanju i radu Komisije za nabavke („Sl. glasnik BiH“, broj 103/14), a na osnovu Preporuke Komisije broj: JN-92/15 od 23.07.2015. godine, u postupku nabavke, isporuke i ugradnje sportsko rekreativnih sprava za Zaštićeni pejzaž „Bijambare“ i Zaštićeni pejzaž „Trebević“, direktor Kantonalne javne ustanove za zaštićena prirodna područja je d o n i o

ODLUKU o izboru najpovoljnijeg ponuđača

Član 1.

Prihvata se Preporuka Komisije za javnu nabavku, broj: JN-92/15 od 23.07.2015.godine, te se dodjeljuje ugovor za **nabavku, isporuku i ugradnju sportsko rekreativnih sprava za Zaštićeni pejzaž „Bijambare“ i Zaštićeni pejzaž „Trebević“** ponuđaču **GLOVIS d.o.o.** Zenica čija cijena ponude iznosi 10.899,00 KM bez PDV-a, popustom u iznosu od 300,00 KM te ukupnom cijenom sa uračunatim PDV-om i popustom u iznosu od **12.400,85 KM**.

Ponuda ponuđača je ocijenjena kao najprihvatljivija ponuda.

Član 2.

Ugovor o nabavci, isporuci i ugradnji sportsko rekreativnih sprava za Zaštićeni pejzaž „Bijambare“ i Zaštićeni pejzaž „Trebević“ će se dostaviti na potpis izabranom ponuđaču GLOVIS d.o.o. Zenica nakon proteka roka od 10 dana, a računajući od dana kada je ponuđač obaviješten o izboru najpovoljnije ponude.

Član 3.

Ova odluka objavit će se na web stranici Javne ustanove www.zppks.ba istovremeno s dostavljanjem ove odluke i obavještenja ponuđačima.

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom direktora Javne ustanove o pokretanju postupka javne nabavke broj: JN-92/15 od 08.07.2015. godine.

Procedura javne nabavke je provedena putem konkurentskog zahtjeva za dostavu ponuda.

Obavijest o nabavci broj: 522-7-1-106-3-12/15 poslata je na Portal javnih nabavki dana 08.07.2015. godine. Sa slanjem obavijesti na Portal javnih nabavki, zahtjev za dostavu ponuda upućen je slijedećim ponuđačima:

1. ISTRACOM d.o.o. Sanski Most
2. BABEL d.o.o. Sarajevo i
3. NEW GRADEKO d.o.o. Visoko

Komisija koja je imenovana Odlukom broj: JN-92/15 od 08.07.2015. godine je pored sačinjavanja tenderske dokumentacije izvršila javno otvaranje ponude, izvršila analizu ponuda u formalno-pravnom i tehničkom smislu, sačinila zapisnik o pregledu i ocjeni ponuda i dala preporuku o izboru najpovoljnijeg ponuđača, u predmetu nabavke, isporuke i ugradnje sportsko rekreativnih sprava za Zaštićeni pejzaž „Bijambare“ i Zaštićeni pejzaž „Trebević“, te dostavila direktoru Javne ustanove s ciljem donošenja konačne odluke.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda, o čemu je sačinila odgovarajuće zapisnike u kojima je utvrđeno slijedeće:

- ukupno su pristigle ponude od strane dva ponuđača koje su blagovremeno zaprimljene;
- neblagovremeno zaprimljenih ponuda nije bilo.

U postupku evaluacije ponuda utvrđeno je slijedeće:

Ponuđač ISTRACOM d.o.o. Sanski Most se eliminiše iz daljeg postupka javne nabavke iz razloga što njegova ponuda nije potpuna. Naime, ponuđač u ponudi nije dostavio potpune dokaze po pitanju obavljanja profesionalne i tehničke sposobnosti u vidu kopija atesta ili sertifikata kojim se dokazuje da je proizvodnja sportsko rekreativnih sprava usklađena sa EN normama.

Ponuđač GLOVIS d.o.o. Zenica je dostavio potrebnu dokumentaciju traženu tenderskom dokumentacijom.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikacije ponuđača, shodno kriterijima iz tenderske dokumentacije.

Naime, direktor je ocjenio da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu gore izloženog, direktor Javne ustanove je odlučio kao u članu 1. Odluke.



Pouka o pravnom lijeku: Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje ugovornom organu Kantonalnoj javnoj ustanovi za zaštićena prirodna područja u pisanoj formi direktno ili preporučenom poštanskom pošiljkom na adresu ul. Branilaca Sarajeva 28, 71 000 Sarajevo. Žalba se podnosi u dovoljnom broju primjeraka, a koji ne može biti manji od 3 (tri) primjerka.

DIREKTOR

Mr. sci. Osman Delic

M. P.

Dostaviti:

- 1) ISTRACOM d.o.o. Sanski Most;
- 2) GLOVIS d.o.o. Zenica
- 3) za objavu na web stranici Javne ustanove;
- 4) u spis predmeta.